

Broj: 73-11-3-1802-1

Datum: 15-01-2025

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 55-33-4-197-3 i 55-33-4-197-2 od 13.01.2025. godine, u postupku javne nabavke „Radovi na sanaciji bazena“, V.D. Generalna direktorica donosi:

ODLUKU o poništenju postupka javne nabavke

Član 1.

Poništava se konkurentski zahtjev za dostavu ponuda u postupku javne nabavke „**Radovi na sanaciji bazena**“ iz razloga što cijena prihvatljive ponude je znatno veća od obezbijedenih sredstava za predmetnu nabavku, a sukladno članu 69. stav (2), tačka e., Zakona o javnim nabavkama.

Član 2.

Ova odluka objavit će se na web-stranici Ugovornog organa istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 3.



Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 73-04-4-43576 od 09.12.2024. godine. Javna nabavka je provedena konkurentskim zahtjevom za dostavu ponuda. Procijenjena vrijednost javne nabavke bez PDV-a je 40.000,00 KM.

Obavještenje o nabavci broj: 893-7-3-521-3-943/24 je objavljeno na Portalu javnih nabavki dana 18.12.2024. godine sa tenderskom dokumentacijom.

Komisija za javnu nabavku imenovana je Odlukom broj: 73-04-4-45452 od 20.12.2024. godine.

Komisija za javnu nabavku dostavila je Izvještaj o radu i Zapisnik o pregledu i ocjeni ponuda sa Preporukom o poništenju postupka broj: 55-33-4-197-3 i 55-33-4-197-2 od 13.01.2025. godine u postupku javne nabavke „Radovi na sanaciji bazena“.



U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna);
- da je blagovremeno zaprimljena 1 (jedna) ponuda;
- da nema neblagovremeno zaprimljenih ponuda;
- **da ponuda ponuđača CHENCO d.o.o. Sarajevo nije prihvatljiva iz sljedećih razloga:**

Tenderskom dokumentacijom, kao i obavještenjem o nabavci, propisana je između ostalog i procijenjena vrijednost javne nabavke kao obavezan element. In concreto, u predmetnom postupku javne nabavke, procijenjena vrijednost iznosi 40.000,00 KM bez PDV-a. Ponuđena cijena ponuđača CHENCO d.o.o. Sarajevo iznosi 43.567,00 bez PDV-a. Dakle, ponuđena cijena predmetnog ponuđača prevazilazi procijenjenu vrijednost javne nabavke. Imajući u vidu navedenu činjenicu, Komisija je predmetnu ponudu ocijenila kao neprihvatljivu cijeneći član 2. stav (1), tačka 1, alineja 2., ZJN (Sl. Glasnik BiH 39/14, 59/22 i 50/24). Obzirom da je ponuda ocijenjena kao neprihvatljiva, jer prelazi procijenjenu vrijednost javne nabavke, ponuda ovog ponuđača se odbacuje sukladno članu 68. stav (4) tačka j) ZJN, te postupak valja poništiti sukladno članu 69. stav (2) tačka e., ZJN. Komisija je prilikom ocjene ove ponude, u obzir uzela i dosadašnju zauzetu praksu relevantnih institucija Ureda za razmatranje žalbi i Suda Bosne i Hercegovine po navedenom pitanju.

Nadalje, u postupku ocjene provedenog postupka, V.D. Generalna Direktorica nije našla razloge, nepravilnosti, niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da jedina zaprimljena ponuda nije prihvatljiva za Ugovorni organ, jer je ponuđena cijena viša od procijenjene vrijednosti javne nabavke, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2). tačka e., ZJN, člana 70. stavovi (1), (4) i (6) Zakona o javnim nabavkama („Sl. glasnik BiH“, 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom na adresu Ugovornog organa.

V.D. Generalna direktorica

M.P.



[Handwritten signature]
Prof.dr. Hajrija Maksić

Dostaviti:

- Ponuđaču,
- Služba za javne nabavke,
- a/a.

[Handwritten signatures]